



戰國策第九

燕

文公

奉陽君甚不取於蘇秦蘇秦在燕李兌因為蘇秦  
 謂奉陽君曰齊燕離則趙重齊燕合則趙輕今君  
 之齊非趙之利也臣竊為君不取也奉陽君曰何  
 吾合燕於齊對曰夫制於燕者蘇子也而燕弱國  
 也東不如齊西不如趙豈能東無齊西無趙哉而  
 君甚不善蘇秦蘇秦能抱弱燕而孤於天下哉是

奉陽君下元  
 有李兌二字  
 鮑以為此奉  
 陽乃公子成  
 非李兌也故  
 刪之吳云奉  
 陽實李兌非  
 公子成蓋下  
 李兌二字誤  
 羨耳  
 快



驅燕而使合於齊也。且燕亡國之餘也。其以權立以重外。以事貴。故為君計。善蘇秦則取之。不善亦取之。以疑燕齊。燕齊疑則趙重矣。齊王疑蘇秦則君多資。奉陽君曰善。乃使使與蘇秦結交。

今君之齊謂以燕合齊。制於燕。言其制燕也。權謂外與貴。

朝鮮素隱音潮仙。燕至戰國亦以耕戰自守。安樂無事。未嘗被兵。文公二十八年。蘇秦入燕。始以從橫之事說之。自是兵交。

蘇秦將為從。北說燕文侯曰。燕地形東有朝鮮遼東。北有林胡樓煩。西有雲中九原。南有呼沱易水。地方二千里。帶甲兵食數十萬。車七百乘。騎六千匹。粟支十年。南有碣石鴈門之饒。北有棗栗之利。民雖不田。

中國無復寧歲六世而亡。次第最分明。然因此却無奇肆之態。趙為之蔽。此燕當得趙也。秦難燕易。此燕當患趙也。說得要領。只以形勢辯論。

作棗栗之實。足食於民矣。此所謂天府也。夫安樂無事。不見覆軍殺將之憂。無過燕矣。大王知其所以然乎。夫燕之所以不犯寇被兵者。以趙之為蔽於其南也。秦趙五戰。秦再勝而趙三勝。秦趙相敵。而王以全燕制其後。此燕之所以不犯難也。且夫秦之攻燕也。踰雲中九原。過代上谷。彌地踵道數千里。雖得燕城。秦計固不能守也。秦之不能害燕亦明矣。今趙之攻燕也。發號出令。不至十日而數十萬之眾軍於東垣矣。度呼沱。涉易水。不至四五

勁潔

徹尾無間語

促近一作南  
近一本強國  
下有也字

日而距國都矣。故曰秦之攻燕也。戰於千里之外。趙之攻燕也。戰於百里之內。夫不憂百里之患。而重千里之外。計無過於此者。是故願大王與趙從親。天下為一。則國必無患矣。燕王曰。寡人國小。西迫強秦。促近齊趙。齊趙強國。今主君幸教詔之。合從以安燕。敬以國從。於是齊蘇秦車馬金帛以至。趙

彌猶巨。踵足後也。猶言繼踵也。

權之難。燕再戰不勝。趙弗救。噲子謂文公曰。不如

以地請合於齊。趙必救我。若不吾救。不得不事。文公曰。善。令郭任以地。請講於齊。趙聞之。遂出兵救

燕

權之難。與齊戰也。噲子。文公孫子。噲。燕齊合。則趙輕。雖不救我。後必事我矣。

易王

燕文公時。秦惠王以其女為燕太子婦。文公卒。易王立。齊宣王因燕喪攻之。取十城。武安君蘇秦為燕說齊王。再拜而賀。因仰而弔。齊王按戈而却。曰。此一何慶弔相隨之速也。對曰。人之饑。所以不食

智弔奇



鳥喙者以為雖偷充腹而與死同患也。今燕雖弱，小強秦之少壻也。王利其十城，而深與強秦為仇。今使弱燕為鴈行，而強秦制其後，以招天下之精兵，此食鳥喙之類也。齊王曰：然則奈何乎？對曰：聖人之制事也，轉禍而為福，因敗而為功，故桓公負婦人而名益尊，韓獻開罪而交愈固。此皆轉禍而為福，因敗而為功者也。王能聽臣，莫如歸燕之十城，卑辭以謝秦，秦知王以已之故歸燕城也。秦必德王，燕無故而得十城，燕亦德王，是棄強仇而立

厚交也。且夫燕秦之俱事齊，則大王號令天下皆從，是王以虛辭附秦，而以十城取天下也。此霸王之業，所謂轉禍為福，因敗成功者也。齊王大說，乃歸燕城，以金千斤謝，其後頓首塗中，願為兄弟，而請罪於秦。

却却秦使退。鳥喙本草鳥頭，亦名天雄。桓公齊桓公也。好內而霸。宣十二年，楚伐鄭，許之平。晉救之。荀桓子欲還，彘子不可。韓獻子謂桓子，彘子以偏師陷，子罪大矣。不如進也。戰於邲，晉敗績。成十三年，獻子將下軍。孟獻子曰：晉師乘和，必有大功。十六年，戰於鄢陵，楚敗績。人有惡蘇秦於燕王者曰：武安君天下不信人也。

亦是辭命家  
然章法未鍊  
妙

姚本不可乎

蘇秦曰三字  
衍一本無

善論氣亦勁  
逸

王以萬乘下之、尊之於廷、示天下與小人羣也、武安君從齊來而燕王不館也、謂燕王曰、臣、東周之鄙人也、見足下、身無咫尺之功、而足下迎臣於郊、顯臣於廷、今臣爲足下使、利得十城、功存危燕、足下不聽臣者、人必有言、臣不信、傷臣於王者、且臣之不信、是足下之福也、使臣信如尾生、廉如伯夷、孝如曾參、三者天下之高行也、而以事足下、可乎、燕王曰、可、曰、有此、臣亦不事足下矣、蘇秦曰、且夫孝如曾參、義不離親、一夕宿於外、足下安得使之

之、齊廉如伯夷、不取素餐、汗武王之義、而不臣、辭孤竹之君、餓而死於首陽之山、廉如此者、何肯步行數千里、而事弱燕之危主乎、信如尾生、期而不來、抱梁柱而死、信至如此、何肯揚燕秦之威於齊、而取大功乎哉、且夫信行者、所以自爲也、非所以爲人也、皆自覆之術、非進取之道也、且夫三王代興、五霸迭盛、皆不自覆也、君以自覆爲可乎、則齊不益於營丘、足下不踰境、不窺於邊城之外、且臣有老母於周、離老母而事足下、去自覆之術、而謀

稍衍



棄酒之妾分  
光之女並游  
士寓言劉子  
政著書為二  
婦立傳定其  
居處姓氏何  
其妾也  
事奇元微之  
有將進酒為  
賦此事甚工  
一本故妾一  
僵而棄酒上  
以云云

進取之道臣之趣固不與足下合者足下皆自覆  
之君也僕者進取之臣也所謂以忠信得罪於君  
者也燕王曰夫忠信又何罪之有也對曰足下不  
知也臣鄰家有遠為吏者其妻私人其夫且歸其  
私之者憂之其妻曰公勿憂也吾已為藥酒以待  
之矣後二日夫至妻使妾奉卮酒進之妾知其為  
藥酒也進之則殺主父言之則逐主母乃陽僵棄  
酒主父大怒而笞之妾之棄酒上以活主父下以  
存主母也忠至如此然不免於笞此以忠信得罪

亢義言高其  
義

者也臣之事適不幸而有類妾之棄酒也且臣之  
事足下亢義益國今乃得罪臣恐天下後事足下  
者莫敢自必也且臣之說齊曾不欺之也使說齊  
者莫如臣之言也雖堯舜之智不敢取也

自覆猶比護也自護其名也雖堯舜之智  
不敢取言無成功者雖聖智不足取也

王噲

蘇秦死其弟蘇代欲繼之乃北見燕王噲曰臣東  
周之鄙人也竊聞王義甚高甚順鄙人不敏竊釋  
鋤耨而干大王至於邯鄲所聞於邯鄲者又高於



所聞東周臣竊負其志乃至燕廷觀王之羣臣下  
吏大王天下之明主也王日子之所謂天下之明  
主者何如者也對曰臣聞之明主者務聞其過不  
欲聞其善臣請謁王之過夫齊趙者王之仇讎也  
楚魏者王之援國也今王奉仇讎以伐援國非所  
以利燕也王自慮此則計過無以諫者非忠臣也  
王曰寡人之於齊趙也非所敢欲伐也曰夫無謀  
人之心而令人疑之殆有謀人之心而令人知之  
拙謀未發而聞於外則危今臣聞王居處不安食

與子貢說越王語同

一身自削甲札曰有大數矣

飲不甘思念報齊身自削甲札悲請妻自組甲紕曰有

大數矣有之乎王日子聞之寡人不敢隱也我有

深怨積怒於齊而欲報之二年矣齊者我讎國也

故寡人之所欲報也直患國敝力不足矣子能以

燕報齊寡人奉國而委之於子矣對曰凡天下之

戰國七而燕處弱焉獨戰則不能有所附則無不

重南附楚則楚重西附秦則秦重中附韓魏則韓

魏重且苟所附之國重此必使王重矣今夫齊王

長主也而自用也南攻楚五年穡積散西困秦三

文氣甚縱逸以連六重字見勢

以事證前後語當作說燕昭王方是



西一作而

起語勢却作  
收語又如此  
便佳

年民憔悴士罷敝北與燕戰覆三軍獲二將而又  
以其餘兵南面西舉五千乘之勁宋而包十二諸  
侯此其君之欲得也其民力竭也安猶取哉且臣  
聞之數載則民勞久師則兵敝王曰吾聞齊有清  
濟濁河可以為固有長城鉅防足以為塞誠有之  
乎對曰天時不與雖有清濟濁河何足以為固民  
力窮敝雖有長城鉅防何足以為塞且異日也濟  
西不役所以備趙也河北不師所以備燕也今濟  
西河北盡以役矣封內敝矣夫驕主必不好計而

語險俊

子字補

亡國之臣貪於財王誠能毋愛寵子母弟以為質  
寶珠玉帛以事其左右彼且德燕而輕亡宋則齊  
可亡已王曰吾終以子受命於天矣曰內寇不與  
外敵不可拒王自治其外臣自敝其內此乃亡之  
勢也

札牒也。甲之革緣如之。左成十六年。養由基蹲  
甲而射之。穿七札焉。以繩直物曰絝。謂編組穿  
甲之繩也。長主司馬貞云。年長也。安猶取哉。言  
齊不可復攻取。不役者。養兵以備敵也。寇猶亂  
與猶和。治其外。謂謀敵齊。敝  
其內。謂亂於內。為燕間齊也。

蘇代為燕說齊未見齊王先說淳于髡曰人有賣



昌黎為人求  
薦書正用此  
事此詳彼簡  
各有致

費元作賈

重還顧二句  
減味宜將前  
二句從簡叙  
為得

此觸龍同旨  
而味態不若  
彼之濃腴情  
法亦遠讓彼

姚本無上者  
字  
來得太陡不  
若觸龍之婉  
妙

駿馬者比三日立市人莫之知往見伯樂曰臣有  
駿馬欲賣之比三日立於市人莫與言子還而視  
之去而顧之臣請獻一朝之費伯樂乃還而視之  
去而顧之一旦而馬價十倍今臣欲以駿馬見於  
王莫為臣先後者足下有意為臣伯樂乎臣請獻  
白璧一雙黃金千鎰以為馬食淳于髡曰謹聞命  
矣乃入言之王而見之齊王大說蘇子

比連也

陳翠合齊燕將令燕王之弟為質於齊燕王許諾

太后聞之大怒曰陳公不能為人之國則亦已矣  
焉有離人子母者老婦欲得志焉陳翠欲見太后  
王曰太后方怒子子其待之陳翠曰無害也遂入  
見太后曰何懼也太后曰賴得先王鴈鶩之餘食  
不宜懼者懼者憂公子之且為質於齊也陳翠曰  
人主之愛子也不如布衣之甚也非徒不愛子也  
又不愛丈夫子獨甚太后曰何也對曰太后嫁女  
諸侯奉以千金齋地百里以為人之終也今王願  
封公子百官持職羣臣効忠曰公子無功不當封



一本且以為公子功而封之也

此下說事情明透勝觸龍以其就眼前實事條析所以易省然辭則未工

一本無下燕字也字補

倒句法

三喻俱切至

說得最明白然筆力却不甚雄勁

今王之以公子為質也。且以為公子功也。而太后弗聽。臣是以知人主之不愛丈夫。子獨甚也。且太后與王幸而在。故公子貴。太后千秋之後。王棄國家。而太子即位。公子賤於布衣。故非及太后與王封公子。則公子終身不封矣。太后曰。老婦不知長者之計。乃命公子乘車制衣為行具。

欲得志焉者以殺辱之為快耳

或獻書燕王。燕王而不能自恃。不惡卑名。以事強事強可以令國安長久。萬世之善計也。以事強而

不可以為萬世。則不如合弱。將奈何。合弱而不能如一。此臣之所以為山東苦也。比目之魚不相得。則不能行。故古人稱之。以其合兩而如一也。今山東合弱而不能如一。是山東之智不如魚也。又譬如車士之引車也。三人不能行。索二人。五人而車因行矣。今山東三國弱而不能敵秦。索二國。因能勝秦矣。然而山東不知相索者。智故不如車士矣。胡與越人。言語不相知。志意不相通。同舟而凌波。至其相救助如一也。今山東之相與也。如同舟而



一本主上有之字

陸深曰山東相合數句疑有闕誤

惡字補

必有錯誤無

已則不用惡

字卑名向長

存句或亦可

通

一本必杜攻

燕

兩之伐字一

並作以伐

濟秦之兵至不能相救助如一智又不如胡越之人矣。三物者人之所能為也。山東主遂不悟此臣之所為山東苦也。願大王之熟慮之也。山東相合之主者不惡卑名之國者可長存之。卒者出士以戍韓梁之西邊。此燕之上計也。不急為此國必危矣。王必大憂。今韓梁趙三國已合矣。秦見三晉之堅也。必南伐楚。趙見秦之伐楚也。必攻燕。物固有勢異而患同者。秦之伐韓。故中山亡。今秦之伐楚。燕必亡。臣竊為王計。不如以兵南合三晉。約戍韓

梁之西邊。山東不能堅為此。此必皆亡。燕果以兵南合三晉也。

不惡卑名之國者可長存。言山東欲存。唯不羞自卑者可耳。之卒之之猶其也。卒粹同。一曰。疑當以三者字句。不然。卒者下有缺文。中山亡蓋秦不暇救。故趙亡之也。

燕王噲既立。蘇秦死於齊。蘇秦之在燕也。與其相子之為婚。而蘇代與子之交。及蘇秦死而齊宣王復用蘇代。燕噲三年。與楚三晉攻秦。不勝而還。子之相燕。貴重主。斷蘇代為齊使於燕。燕王問之曰。齊宣王何如。對曰。必不霸。燕王曰。何也。對曰。不信

宣一作閔

宣字衍



鹿毛一作厝毛  
音音昔韓子作  
潘壽  
子曾之為君史  
不著其惡德但  
因說客一言而  
遂遠慕堯舜之  
事至收印盡屬  
唯恐子之不得  
為君而已甘心  
吐面唯恐失國  
之不蚤此亦古  
今奇事也

姚本文黨

一本無也字

其臣蘇代欲以激燕王以厚任子之也於是燕王  
大信子之子之因遺蘇代百金聽其所使鹿毛壽  
謂燕王曰不如以國讓子之人謂堯賢者以其讓  
天下於許由由必不受有讓天下之名實不失天  
下今王以國讓相子之子之必不敢受是王與堯  
同行也燕王因舉國屬子之子之大重或曰禹授  
益而以啓人為吏及老而以啓為不足任天下傳  
之益也啓與友黨攻益而奪之天下是禹名傳天  
下於益也其實令啓自取之今王言屬國子之而

大事記以石  
計祿始見於  
此

亦是辭命

先後並去聲

吏無非太子人者是名屬子之而太子用事王因  
收印自三百里石吏而効之子之子之南面行王  
事而噲老不聽政顧為臣國事皆決子之子之三  
年燕國大亂百姓恫怨將軍市被太子平謀將攻  
子之儲子謂齊宣王因而仆之破燕必矣王因令  
人謂太子平曰寡人聞太子之義將廢私而立公  
飭君臣之義正父子之位寡人之國小不足先後  
雖然則唯太子所以令之太子因數黨聚眾將軍  
市被圍公宮攻子之不克將軍市被及百姓乃反

怨元作恐

攻太子平將軍市被死以殉國搆難數月死者數萬眾燕人恫怨百姓離意孟軻謂齊宣王曰今伐燕此文武之時不可失也王因令章子將五都之兵以因北地之眾以伐燕士卒不戰城門不閉燕王噲死齊大勝燕子之亡二年而燕人立太子平是為燕昭王

太元作公

以啓人為吏以啓臣為益吏也

初蘇秦弟厲因燕質子而求見齊王齊王怨蘇秦欲囚厲燕質子為謝乃已遂委質為臣燕相子之

侍元作持

與蘇代婚而欲得燕權乃使蘇代侍質子於齊齊使代報燕燕王噲問曰齊王其霸乎曰不能曰何也曰不信其臣於是燕王專任子之已而讓位燕大亂齊伐燕殺王噲子之燕立昭王而蘇代厲遂不敢入燕皆終歸齊齊善待之

亦動

蘇代過魏魏為燕執代齊使人謂魏王曰齊請以宋封涇陽君秦不受秦非不利有齊而得宋地也不信齊王與蘇子也今齊魏不和如此其甚則齊不欺秦秦信齊齊秦合涇陽有宋地非魏之利也



故王不如東蘇子秦必疑而不信蘇子矣齊秦不  
合天下無變伐齊之形成矣於是出蘇代代之宋  
宋善待之

秦所以不信齊疑其合魏也○此章又見魏  
策諸本連上共為一章姚本別提行目同

昭王

張儀為秦破從連橫謂燕王曰大王之所親莫如  
趙昔趙王以其姊為代王妻欲并代約與代王遇  
於勾注之塞乃令工人作為金斗長其尾令之可  
以擊人與代王飲而陰告厨人曰即酒酣樂進熱

大抵反蘇秦  
之說而趙為  
燕之南蔽一  
語卒不能破

無可說乃直  
搜尋趙之先  
君事為說殊  
牽扯費力

叙事亦曲有  
態致

一本反斗而  
擊之代王腦  
塗地

獸即因反斗擊之於是酒酣樂進取熱獸厨人進  
斟羹因反斗而擊代王殺之王腦塗地其姊聞之  
摩笄以自刺也故至今有摩笄之山天下莫不聞  
夫趙王之狼戾無親大王之所明見知也且以趙  
王為可親邪趙興兵而攻燕再圍燕都而劫大王  
大王割十城乃却以謝趙王已入朝澠池効河間  
以事秦今大王不事秦秦下甲雲中九原驅趙而

一本今趙王  
而以事秦下  
無今字

破籟說

猶郡縣也不敢妄興師以征伐今大王事秦秦王



燕史注音在  
僅也

必喜而趙不敢妄動矣。是西有強秦之援，而南無齊趙之患，是故願大王之熟計之也。燕王曰：寡人蠻夷僻處，雖大男子，裁如嬰兒，言不足以求正，謀不足以決事。今上客幸而教之，請奉社稷西面而事秦，獻常山之尾五城。

索隱云：凡方者為斗。若安長柄，則名科尾。即斗之柄。其形若刀者是也。按韻書：科斗音同。索隱皆音斗。斟謂羹汁。故名汁。日斟，狼戾貪戾如狼也。

宮他為燕使魏，魏不聽，留之數月。客謂魏王曰：不聽燕使何也？曰：以其亂也。對曰：湯之伐桀，欲其亂

也。故大亂者可得其地，小亂者可得其寶。今燕客之言曰：事苟可聽，雖盡寶地猶為之也。王何為不見魏王說？因見燕客而遣之。

燕昭王收破燕後，即位卑身厚幣以招賢者。欲將報讎，故往見郭隗先生曰：齊因孤國之亂而襲破燕，孤極知燕小力不足以報，然得賢士與共國以雪先生之恥，孤之願也。敢問以國報讎者，奈何？郭隗先生對曰：帝者與師處，王者與友處，霸者與臣處，亡國與役處。誑指而事之，北面而受學，則百已

一本將下有以字姚同  
隗音危又五罪反

一本力下有少字姚同

誑指猶言折節也一作誑已



一本人趨下有已趨二字  
縱肆而有華  
真是俊逸之  
睚與睚異此  
呼回反唐史  
音雖响呼俱  
呼具二反咄  
潮活反

設喻奇

者至先趨而後息先問而後嘿則什已者至人趨  
則若已者至馮几據杖眇視指使則厮役之人至  
若恣睢奮擊响藉叱咄則徒隸之人至矣此古服  
道致士之法也王誠博選國中之賢者而朝其門  
下天下聞王朝其賢臣天下之士必趨於燕矣昭  
王曰寡人將誰朝而可郭隗先生曰臣聞古之君  
人有以千金求千里馬者三年不能得涓人言於  
君曰請求之君遣之三月得千里馬馬已死買其  
首五百金反以報君君大怒曰所求者生馬安事

死馬而捐五百金涓人對曰死馬且買之五百金  
況生馬乎天下必以王為能市馬馬今至矣於是  
不能期年千里馬之至者三今王誠欲致士先從  
隗始隗且見事况賢於隗者乎豈遠千里哉於是  
昭王為隗築宮而師之樂毅自魏往鄒衍自齊往  
劇辛自趙往士爭湊燕燕王弔死問生與百姓同  
其甘苦二十八年國殷富士卒樂佚輕戰於是遂  
以樂毅為上將軍與秦楚三晉合謀以伐齊齊兵  
敗閔王出走於外燕兵獨追北入至臨淄盡取齊



寶燒其宮室宗廟齊城之不下者唯獨莒卽墨

先趨後息先彼而趨後彼而息也。人趨謂使人趨事之。响呵藉踐也。一云响當從足見韓策釋為跳躍也。服道服事有道者。消人謁者。韋昭云。今之中消。居中而消潔者也。

客謂燕王曰齊南破楚西屈秦用韓魏之兵燕趙之衆猶鞭笞也使齊北面伐燕卽雖五燕弗能當王何不陰出使散游士頓齊兵敝其衆使世世無患燕王曰假寡人五年寡人得其志矣蘇子曰請假王十年燕王說奉蘇子車十五乘南使於齊謂齊王曰齊南破楚西屈秦用韓魏之兵燕趙之衆

姚本五十乘

身當作井

數語稍削

猶鞭笞也臣聞當世之舉王必誅暴正亂舉無道攻不義今宋王射天笞地鑄諸侯之象使侍屏臣展其臂彈其鼻此天下之無道不義而王不伐王名終不成且夫宋中國膏腴之地鄰民之所處也○策○策○與其得百里於燕不如得十里於宋伐之名則義實則利王何爲弗爲齊王曰善遂興兵伐宋三覆宋宋遂舉燕王聞之絕交於齊率天下之兵以伐齊大戰一小戰再頓齊國成其名故曰因其強而強之乃可折也因其廣而廣之乃可缺也



頓勞敝之也。舉王興起之王。屏匿當作井匿。周禮宮人爲井。匿注井漏井。所以受水潦。匿路廁也。鄰民齊民鄰宋者

蒞法

奉元作秦

指失

此亦是有名文字筆力渾勁有蒼然之未盡光然鍊法尚

此足下然當史記作夫是

不然則是下自為句

七一作數

稱齊

敗素無用而紫之即價十倍此轉禍為功之意齊紫大約似懷慶熟地壞動則熟之耳

陳謀

一本使使明於周室

齊伐宋。宋急。蘇代乃遺燕昭王書曰。夫列在萬乘而寄質於齊。名卑而權輕。奉齊助之伐宋。民勞而實費。破宋殘楚。淮北肥大。齊讎強而國弱也。此三者皆國之大敗也。而足下行之。將欲以除害。取信於齊也。而齊未加信於足下。而忌燕也。愈甚矣。然則足下之事齊也。失所為矣。夫民勞而實費。又無尺寸之功。破宋肥讎。而世負其禍矣。足下以宋加

淮北。強萬乘之國也。而齊并之。是益一齊也。北夷方七百里。加之以魯衛。此所謂強萬乘之國也。而齊并之。是益二齊也。夫一齊之強。而燕猶不能支也。今乃以三齊臨燕。其禍必大矣。雖然。臣聞智者之舉事也。轉禍而為福。因敗而成功者也。齊人紫敗素也。而賈十倍。越王勾踐棲於會稽。而後殘吳。霸天下。此皆轉禍而為福。因敗而為功者也。今王若欲轉禍而為福。因敗而為功乎。則莫如遙霸齊而厚尊之。使之盟於周室。盡焚天下之秦符。約曰。



姚本長賓之  
秦史長賓之  
秦挾賓以待  
破  
客字的是衍

說秦

今人作文非  
利之也直接  
以不信最順  
此却插弗利  
一向然有此  
勢乃跌蕩

為燕謀而弄  
齊秦於股掌  
蘇氏兄弟真  
天下第一舌

一利害點  
得透文勢  
甚流快

躡所綺及字  
與躡屣通

伐一作危

然字句絕

戰國策

夫。上。計。破。秦。其。次。長。賓。客。秦。秦。挾。賓。客。以。待。破。秦。  
王。必。患。之。秦。五。世。以。結。諸。侯。今。為。齊。下。秦。王。之。志。  
苟。得。窮。齊。不。憚。以。一。國。都。為。功。然。而。王。何。不。使。布。  
衣。之。人。以。窮。齊。之。說。說。秦。謂。秦。王。曰。燕。趙。破。宋。肥。  
齊。尊。齊。而。為。之。下。者。燕。趙。非。利。之。也。弗。利。而。勢。為。  
之。者。何。也。以。不。信。秦。王。也。今。王。何。不。使。可。以。信。者。  
接。收。燕。趙。令。涇。陽。君。若。高。陵。君。先。於。燕。趙。秦。有。變。  
因。以。為。質。則。燕。趙。信。秦。矣。秦。為。西。帝。趙。為。中。帝。燕。  
為。北。帝。立。為。三。帝。而。令。諸。侯。韓。魏。不。聽。則。秦。伐。之。

齊。不。聽。則。燕。趙。伐。之。天。下。孰。敢。不。聽。天。下。服。聽。因。  
驅。韓。魏。以。攻。齊。曰。必。反。宋。地。而。歸。楚。之。淮。北。夫。反。  
宋。地。而。歸。楚。之。淮。北。燕。趙。之。所。同。利。也。並。立。三。帝。  
燕。趙。之。所。同。願。也。夫。實。得。所。利。名。得。所。願。則。燕。趙。  
之。棄。齊。也。猶。釋。敝。屣。今。王。之。不。收。燕。趙。則。齊。霸。必。  
成。矣。諸。侯。戴。齊。而。王。獨。弗。從。也。是。國。伐。也。諸。侯。戴。  
齊。而。王。從。之。是。名。卑。也。王。不。收。燕。趙。名。卑。而。國。危。  
王。收。燕。趙。名。尊。而。國。寧。夫。去。尊。寧。而。就。卑。危。智。者。  
不。為。也。秦。王。聞。若。說。也。必。如。刺。心。然。則。王。何。不。務。

戰國策 燕



草率收

使智士以若此言說秦。伐齊必矣。夫取秦上交也。伐齊正利也。尊上交務正利。聖王之事也。燕昭王善其書曰。先人嘗有德蘇氏。子之之亂而蘇氏去。燕燕欲報讎仇於齊。非蘇氏莫可。乃召蘇氏復善待之。與謀伐齊。竟破齊。閔王出走。

寄猶委也。楚之淮北。宋鄰也。宋破則此地殘矣。紫染為紫也。躡革履也。說文。舞履也。謂足根不正。納履也。引漢志。邯鄲女躡躡。

大畧同前人有惡蘓秦章開付可取然搃之不如前勁快

蘇代謂燕昭王曰。今有人於此。孝如曾參。孝已。信如尾生。高廉如鮑焦。史鱣。兼此三行。以事王。奚如。

不如前

王曰。如是足矣。對曰。足下以為足。則臣不事足下矣。臣且處無為之事。歸耕乎周之上地。耕而食之。織而衣之。王曰。何故也。對曰。孝如曾參。孝已。則不過養其親耳。信如尾生。高則不過不欺人耳。廉如鮑焦。史鱣。則不過不竊人之財耳。今臣為進取者也。臣以為為廉。不與身俱達。義不與生俱立。仁義者自完之道也。非進取之術也。王曰。自憂不足乎。對曰。以自憂為足。則秦不出。殺函。齊不出。營丘。楚不出。疏章。三王代位。五伯改政。皆以不自憂故也。若

西一作塞

亦快俊

戰國策 燕



前後不倫而  
轉去略無痕  
正是唇陷間  
實境

燕最小弱自春  
秋時尚不得與  
中國會盟何能  
攻得周之上地  
蓋言周以上地  
與燕其後削弱  
失去之耳為燕  
無失此地則漸  
可強大以朝諸  
侯也  
別馬一作別駕

亦隋

姚本故與下  
有則字  
亦隋

自憂而足則臣亦周之負籠耳何為煩大王之廷  
邪昔者楚取章武諸侯北面而朝秦取西山諸侯  
西面而朝曩者使燕毋去周室之上則諸侯不為  
別馬而朝矣臣聞之善為事者先量其國之大小  
而揆其兵之強弱故功可成而名可立也不能為  
事者不先量其國之大小不揆其兵之強弱故功  
不可成而名不可立也今王有東嚮伐齊之心而  
愚臣知之王曰子何以知之對曰矜戟砥劍登丘  
東嚮而歎是以愚臣知之今夫烏獲舉千鈞之重

行年八十而求扶持故齊雖強國也西勞於宋南  
罷於楚則齊軍可敗而河間可取燕王曰善吾請  
拜子為上卿奉子車百乘子以此為寡人東游於  
齊何如對曰足下以愛之故與何不與愛子與諸  
舅叔父負牀之孫不得而乃以與無能之臣何也  
王之論臣何如人哉今臣之所以事足下者忠信  
也恐以忠信之故見罪於左右王曰安有為人臣  
盡其力竭其能而得罪者乎對曰臣請為王譬昔  
周之上地嘗有之其丈夫宦三年不歸其妻愛人



不如前簡抄

其所愛者曰、子之丈夫來、則且奈何乎、其妻曰、勿憂也、吾已為藥酒而待其來矣、已而其丈夫果來、於是因令其妾酌藥酒而進之、其妾知之、半道而立、慮曰、吾以此飲吾主父、則殺吾主父、以此事告吾主父、則逐吾主母、與殺吾主父、逐吾主母者、寧伴躪而覆之、於是因伴僵而仆之、其妻曰、為子之遠行來之故、為美酒、今妾奉而仆之、其丈夫不知縛其妾而笞之、故妾所以笞者、忠信也、今臣為足下使於齊、恐忠信不諭於左右也、臣聞之曰、萬乘

與殺吾主父字補

太衍

之主、不制於人臣、十乘之家、不制於眾人、匹夫徒步之士、不制於妻妾、而又况於當時之賢主乎、臣請行矣、願足下之無制於羣臣也、

自憂亦自完也。不完則憂。故曰完。又曰憂。毋去周室之去猶失也。上上地。燕蓋嘗攻得而不取也。不為別馬而朝。言同軌而朝。燕與朝秦楚同也。矜矛柄。戟蓋為矜施戟也。

詭徒案反或作誑

燕王謂蘇代曰、寡人甚不喜詭者言也、蘇代對曰、周地賤媒、為其兩譽也、之男家曰女美、之女家曰男美、然而周之俗不自為取妻、且夫處女無媒、老且不嫁、舍媒而自銜、敝而不售、順而無敗、售而不

大鍊淨

古人所以使  
貧使詐

敝者唯媒而已矣。且事非權不立。非勢不成。夫使  
人坐受成事者。唯詘者耳。王曰善矣。

沈州謂欺  
者曰詘

為一作謂

蘇代為奉陽君說燕於趙以伐齊。奉陽君不聽。乃

錯誤太多大  
難讀然亦姓  
往有奇

入齊。惡趙。令齊絕於趙。齊已絕於趙。因之燕謂昭

王曰。韓為謂臣曰。人告奉陽君曰。使齊不信趙者

宋者者字補  
與一作令

蘇子也。令齊王召蜀子。使不伐宋者。蘇子也。與齊

王謀遁取秦以謀趙者。蘇子也。令齊守趙之質子

以甲者。又蘇子也。請告子以請齊果以守趙之質

特元作持

閒

公玉一作公  
王新序有公  
玉丹史有公  
玉帶此公玉  
姓也疑有闕  
誤  
必不合燕之  
必元作令  
有鋒

子以甲。吾必守子以甲。其言惡矣。雖然。王勿患也。

臣故知入齊之有趙累也。出為之以成所欲。臣死

而齊大惡於趙。臣猶生也。今齊趙絕。可大紛已。特

臣非張孟談也。使臣也。如張孟談也。齊趙必有為

智伯者矣。奉陽君告朱謹與趙足曰。齊王使公玉

曰。命說曰。必不反韓珉。今召之矣。必不任蘇子以

事。今封而相之。必不合燕。今以燕為上交。吾所恃

者順也。今其言變有甚於其父順。始與蘇子為讎。

見之如無厲。今賢之兩之已矣。吾無齊矣。奉陽君

如元作知  
吾無齊矣以  
上並述奉陽



之言奉陽君之怒以下代自言也

倍之燕因齊不信趙與奉陽君遂倍齊耳

苟可循也句疑有訛注皆不妥

或可上當有不字方接得下或可即不字訛代

意謂使代死而齊趙不相順可也

也便齊趙以交之分為由於代惡之而復相順

此代所以為患而未死也

一本臣以為不若

代既不死而為逃又謂韓魏之順皆由于齊于

是取秦深結趙以勤之則三國不順而近於相

攻雖為之為逃也

二子字一本俱作子注謂謹也

一云謂代也一本伊尹下有

再逃湯而之祭六字姚同

相元作伯古通伊尹而下終上

文逃之策且舉而下再申所以

逃之善反覆言死言逃主於終

死言逃主於終

之怒甚矣如齊王之不信趙而小人奉陽君也

因是而倍之不以今時大紛之解而復合則後不可

奈何也故齊趙之合苟可循也死不足以為臣患

逃不足以為臣恥為諸侯不足以為臣榮被髮自

漆為厲不足以為臣辱然而臣有患也臣死而齊

趙不循惡交分於臣也而後相効是臣之患也若

臣死而必相攻也臣必勉之而求死焉同范唯堯舜之賢

而死禹湯之智而死孟賁之勇而死烏獲之力而

死生之物固有不死者乎在必然之物以成所欲

王何疑焉臣以不若逃而去之臣以韓魏循自齊

而為之取秦深結趙以勤之如是則近於相攻也

臣雖為之不累燕奉陽君告朱謹曰蘇子怒於燕

王之不以吾故弗予相又不予卿也殆無燕矣其

疑至於此故臣雖為之不累燕又不欲王伊尹再

逃桀而之湯果與鳴條之戰而以湯為天子伍子

胥逃楚而之吳果與柏舉之戰而報其父之讎今

臣逃而紛齊趙始可著於春秋且舉大事孰不逃

桓公之難管仲逃於魯陽貨之難孔子逃於衛張

齊蓋齊得趙猶不紛故紛齊在於絕趙於齊此代之本旨也  
只證一逃字  
殊乏味  
好字補

戰國策

儀逃於楚、白圭逃於秦、望諸相中山也、使趙、趙劫於關、三晉稱以為好士、故舉大事、逃不足以為辱矣、卒絕齊於趙、趙合於燕以攻齊、敗之。

遁取陰取也。告子名不害云代請之。使為已請齊也。其言惡矣以下。代自言也。王勿患之王謂燕王。出者奮不顧也。言知有趙累而奮為之也。所欲謂利燕紛亂也。奉陽君告朱謹以下。至吾無齊矣。代稱奉陽君之言。命說之說。奉陽名。一云。說即兌之誤。順。按趙策。齊欲攻宋章。以三晉劫秦。使順也。甘之。恐即此人。無厲無害也。賢之謂以代為賢。兩之。謂與之並處。循順也。言齊趙之合。必害於燕。苟順而無害。國之利也。故已之死。逃榮辱。皆不足論。交猶皆也。燕以二國可因。



